

Zvornički slučaj

Visoki predstavnik je primio izvještaj Ombudsmena za ljudska prava za Bosnu i Hercegovinu u kojem Ombudsmen zaključuje da su krivični postupak i osude optuženih u zvorničkom slučaju u suprotnosti sa Evropskom konvencijom o ljudskim pravima i Međunarodnim ugovorom o građanskim i političkim pravima, a time i sa Aneksom 6 Daytonskog mirovnog sporazuma.

Međunarodna zajednica je ozbiljno zabrinuta u vezi sa pravičnošću jednog broja suđenja sa političkim i međuetničkim implikacijama u oba entiteta, ali zvornički slučaj je jedinstven. Postoje dokazi da su optuženi nakon privođenja maltretirani. Presude izrečene protiv njih na dva suđenja obilježena ozbiljnim propustima počivale su na takozvanim priznanjima iznuđenim pod takvim okolnostima. Postoje jake indikacije da je izvršen politički uticaj na sudove u ovom slučaju. U izvještajima Ombudsmena, Specijalnog izvjestitelja Ujedinjenih naroda, UN IPTF-a i OSCE-a jasno se kaže da su ljudska prava optuženih prekršena nekoliko puta.

Kao Visoki predstavnik, u velikoj mjeri ću se založiti da se ovakva kršenja ne ponove. Podnesena je žalba Vrhovnom sudu Republike Srpske. Ovim se Republici Srpskoj pruža još jedna prilika da okonča ovaj dokumentovani primjer nepravde i pokaže pravu spremnost da krene putem vladavine prava, koju je Vijeće za implementaciju mira u Madridu utvrdilo kao prioritet.

Iako poštujem princip nezavisnog sudstva i nastojim da se on afirmira, izvještaj Ombudsmena jasno pokazuje zašto se ne može imati povjerenje u nezavisnost i nepristrasnost sudova koji se bave ovim slučajem. Tražim da se preporuke Ombudsmena ispoštuju u cjelosti. Moj Ured će pružiti pomoć u izvršenju preporuke Ombudsmena kojom se predviđa da međunarodni eksperti za Evropsku konvenciju o ljudskim pravima trebaju pružiti pomoć i savjete Vrhovnom sudu Republike Srpske. I dalje ću

insistirati na tome da Vrhovni sud Republike Srpske što prije pristupi rješavanju ovog slučaja i osiguraću vrlo pažljivo praćenje tog postupka od strane međunarodne zajednice.

Kopije cijelog izvještaja se mogu dobiti od uredu Ombudsmena u Sarajevu, tel. 666-005.